



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

Illustriores quædam de Matre Dei Virgine sententiæ, ex Libro Mariali Ven.
Arnesti excerptæ. Caput XIV.

urn:nbn:de:hbz:466:1-42763

C.XIV. ILLVSTR. SENTENTIÆ DE B. V. EX ARN. 371
inquit, educit nubes ab extremis terra, & MARIA de peccatori-
bus & pauperibus Mundi hujus egregios facit Prælatos, & Predi-
catores. Proverb. 8. Lux in visceribus terræ argentum vivum, quod
est, ut dicunt, vénenum omnium creaturarum, convertit in aurum:
& MARIA de pessimis & desperatissimis saepe facit optimos & devotissi-
mos. Eccl. 24. Penetrabo inferiores partes terræ, & dabo pro terra fili-
em, & pro silice torrentes aureos, id est corda saxeæ faciam aurea.
Lux in profundo maris inter arenas in conchis vilibus, & abjectis
nutrit & fovet pretiosissimas margaritas: & MARIA inter pa-
peres & abjectissimos Mundi hujus saepe efficit, nutrit & fovet ani-
mas pretiosissimas & DEO dignas, & hi sunt thesauri absconditi are-
narum. Deut. 33. Eccl. 24. O Arnesto, Venerabilis Antistes, fal-
lor, nisi converso nomine de te Fabula cantatur!

Illustriores quædam de Matre DEI Virgine sententiæ, ex Libro Ma- riali VEN. ARNESTI excerptæ.

CAPUT XIV.

Iniciamus à Titulis, quibus dignitatem Virginis Arnestus
honoravit: Vocat eam Medium DEI & hominis, ejusque of-
ficium esse conservare nos in statu gratiæ, ipsa enim & Ma-
ter & nutrix nostra est; vocat optimam consolatricem, quæ
aquas omnes nostras fecit converti in vinum, & dolores in gau-
dium. Alibi Beatissimam Virginem serorem suam parvulam au-
daci amoris affectu compellat; & alio in loco antonomastice:
ita inquit, Regina mea. Sed & Aviam nostram ex eodem affectu
vocavit. De MARIE nomine: sicut oleum effusum nomen sponsi, ita
balsamum effusum nomen sponsæ; nomen utrumq; benedictum in sa-
cula.

C. 26.
cula. Illud ad illuminationem gentium, istud ad sanitatem gentium: oleum enim illuminat, balsamum sanat, &c. Pulchra illa de sagitta: Illa est sagitta Ionathæ, id est, Christi, quæ nunquam abiit retrorsum, quæ nunquam tam durum invenerit obstaculum, quod non faciliter penetravit: ista est sagitta, quæ caput iniquorum Iulianum Apostamat interfecit.

II.
C. 27.
Sæpe affirmat Dei Matrem non animâ tantum, sed formâ etiam corporis venustissimam, & incredibili esse pulchritudine. C. 129. id probat ex eo, quia JESUS est speciosus præfiliis hominum, qui tamen genitus esset in similitudinem Matri suæ. Vide locum puicerrimum.

III.
C. 28.
Affectus MARIE omnia Arnesto jucunda reddebat: Ex bonitate Virginis, inquit, est, quod si studes aut legis, si conferas aut doceas, nihil palato sapidius Lectoris, Doctoris & Auditoris, quam sermo de ea factus: quidquid ubiq[ue] emergerit, erit quasi condimentum omnium, quæ dicuntur.

IV.
C. 29.
De Mansuetudine Dei Matris multa sibi semper promittebat Arnestus: Appellat eam lectulum: quid ad MARIA accedere trepidat, humana fragilitas? nihil in ea austерum, nihil terribile, tota suavis est, afferens lac & lanam. Revolve diligenter Evangelice historia seriem universam, & si quid forte increpatorium, si quid durum, si quid deniq[ue] vel tenuis indignationis occurrerit in MARIA, de cetero suspectam habeas, & accedere verearis. Quod si, &c. Alibi asserit eam ipsi Iustitiae divinæ aliquando prævalere: do tibi consilium optimum, ô Peccator! si gravat Tē iniquitas tua, si tibi in foro Iustitiae ipsa veritas, quæ se negare non potest, adversatur; si adversum te Terra clamat; si pugnat Orbis terrarum, Apostolos pete, Mariam invoca, ad Mariam appella! ad forum misericordie, &c. ad thronum gratiæ, ut docet Apostolus, cum fiducia accede. Est enim Lex Clementia in lingua ejus, & hujus legis gratiæ duo tibi faciet: revocabit in irritum, quidquid contra te fuerit attentatum, aut etiam definitum, & ad omnia deperdita restituet te in integrum (Job. 12.) & in omni sententia, quam protegabit,

*Nota quid Apostoli in Iure
sint.*

Proverb. 31.

dabit, apponet illam Clasulam gloriosem, Imperialem, atq; Papalem,
quæ incipit: *Non obstante. Hæc omnia Arnestus!*

De Beatæ Marris potentia præclara sunt illa: sicut absente
Rege terreno Regina Regnum gubernat, ita quando Rex noster
Christus ex aliqua cauſa faciem suam abscondit, tum MARIA
maximè misericordiam suam ostendit. Et alibi: sicut Pater omne
judicium dedit Filio, ut omnes honorificant filium, sicut honorificant
Patrem; ita Filius opera sua & beneficia, quæ fecit nobis & facit,
adscribit Matri, ut omnes honorificant Matrem, qui honorificant
Filium.

Quàm suaviter saepe ad amandam DEI Matrem invitat,
optat ut quisque magnâ voce & devotione clamet in corde suo
frequenter: *Magna est MARIA!*

Sublimis ille, & prorsus ecstaticus, ut vocant, affectus est ex
ingenti idea B. Virginis natus, cui similem alibi non inveni: pro-
pter quod, ait, & miracula, quæ in libris miraculorum MARIE
scribuntur, & quæ per totum Mundum quotidie operatur, quasi nihil
reputo, aut permodicum, ut inter laudes & glorias tantæ Celsitudinis
reputentur.

Sensit Arnestus immaculatam Virginem immaculatè con-
ceptam, idque repetit saepius; quod testimonium tanti Præfulis
multùm commendat R.T. Nierembergius. Sensit etiam, primam
votum Virginitatis emisse. Axioma Arnesti, Conceptionem im-
maculatam probantis, est: *Quidquid pura Creatura dari potuit,*
MARIE datum est.

Super illud Cant. 2. *Sicut lilyum inter spinas, ostendit, san-*
ctas animas, DEI Matri comparatas, spinas esse. Audax dictum!
sed taptâ ibidem explicatur gratiâ, ut assensum exprimat à Le- In Cantica,
ctore. Idem post Arnestum dixit Dionysius Richelius:

Corporis pudicitiam & integritatem Virginitatis optimè
conservari affirmat, si DEI Mater ametur: qui ad hanc perfectissimam Castitatem per venire festinat, optimum ei do consilium, ut flo-
res & folia Agni casti, id est, preces & merita B. Virginis diligenter
requirat, & sibi semper substernat, & in ipsis, non in propria virtute,

Aaa. 2^o con-

V.
C. 6.

C. 1.

VI.
Sub fine C. 22.
C. 6.

VII.

C. 133.

VIII.
C. 5. C. 124.
C. 13. C. 150.
Nurembeg. in
Exceptionib.
Conc. Trident.

IX.
C. 75.

X.
C. 61.
B. Virginis
amor præ-
dium Casti-
moniz.

E. 15^e confidat, dormiat & requiescat. Suadet alibi, ut DEI Matrem loco cordis habeamus: ut sit tibi cum ipsa cor tuum, & anima tua; pluraque in eam sententiam.

*XI.
C. 11^a* Quantus ille affectus omnia MARIE verba numerare! In colloquio, ait, MARIE cum Angelo inveniemus vocabula, quae de ejus ore processerunt 15. In Colloquio ejus cum filio 13. In verbis ejus in Nuptijs 7. In Cantico ejus 92. que omnia simul collecta faciunt 127, juxta numerum Provinciarum, super quas regnare perhibetur ille beatus Assverus Rex noster, &c.

*XII.
C. 10^a* Pulcherrimo dicendi charactere inducit Beatissimam Virginem cogitantem ante Annunciationem, quænam DEI Mater sit futura, quæcum de se minimè omnium cogitat, seipsam alloquitur: ô Virgo virginum! ô Mundi salus, &c. Ostendam tibi, ait, alio in loco, stellam Matutinam in medio nebula! pone ante oculos mentis Mundum istum caliginosum & tenebrosum, qualis fuit ante ortum stella hujus, cum medium silentium tenerent omnia, & nox in suo censu medium iter haberet; deinde describe unam puellulam parvulam, in qua depingas quidquid cogitari potest bonitatis, benignitatis, speciositatis, gratiostatis, amabilitatis, & omne bonum, quod intelligere possis valere capere Creaturam puram, & in ea videre poteris quoquo modo MARIAM, quasi stellam matutinam, in medio nebula.

*XIII.
C. 87.* Probat DEI Matrem sub Cruce dolores parturientum perpecciam, cum optaret humanum genus redimi, & tamen dolenter filium amitteret. Vide tum Virginis affectus, quos expressit, deinde subjungit: Verè Beata Mater, & innupta Virgo, nos sumus tui Benonij, id est, filii doloris tui! ideo dicit tibi, ô Christiane! Spiritus sanctus: honorem habebis Matri tuae omnibus diebus vite tue. Memor enim esse debes, quæ & quanta passa sit propter te in uero suo. Sed adhuc addit Dominus dolorem dolori ejus: quia venerunt filii usq; ad partum, & virtus non erat pariendi.

*B. Virgo sub
Cruce par-
turivit.
Tob. 4^a* Affirmat eam pro peccatoribus vigilare de celo: Ipsa vigilat, ait, super peccatores, nè ipsi statim damnentur. Hac est virga illa, de qua Ieremias ait: virgam vigilantem ego video. Verè bene vidisti

*vidisti Ieremia! Quæ causa esse potest, cur multi gravissimis co-
operti sceleribus, qui omnem Dei timorem & amorem procul-
cârunt pedibus, ab amore Dei Matris liberare sese quodammodo
non possint, eaque, velut ultimâ spe, & sacrâ anchorâ, aut nau-
fragij tabulâ utantur, & ad portum salutis emergant. Amor
Matris denique adducit ad filium, eamque ipsam fiduciam in
Matrem Filius procurat: sed & usq[ue] hodie, ait, tantam reveren-
tiam ille optinens, & superoptimus Filius Matri exhibet, ut multi si-
delium majorem ad Matrem, quam ad filium habeant devotionem:
unde in pleriq[ue] Religionibus omnes Ecclesia in honorem Virginis con-
struuntur, &c.*

C. 14. v.

Quædam Arnesti facta & di-
cta, quæ divinum aliquid continere vi-
dentur, & ab Antiquitate Mira-
cula vocantur.

CAPUT XV.

Illustrem claris & heroicis Virtutibus vitam ferè comitari
Miracula solent, quamvis de ijs vera, germanaque sanctitas
parùm, aut nihil laboret; quæ tota suâ se virtute involvens,
in Imitatione Christi, divinorumque ejus exemplorum oc-
cupatur. Illam, quæ elementa & naturam rerum vincit, poten-
tiam, ut superbam & humanâ conditione majorem, Sanctitas fe-
rè timet, & Deo uni debitam putat. Itaque fuere jam Viri San-
ctissimi, atque inter eos quidam *D. Augustinum* referunt, qui
paucis, aut nullis, quod sciamus, commendantur in vita miracu-
lis, quorum tamen sanctimoniam in excelso gradu positam cum

Sanctimonie
vita DEVIS
plerumque
miraculis
exornat.

Aaa 3

Ecclesie